



國家清史編纂委員會・文獻叢刊

清代詩文集彙編

國家清史編纂委員會・文獻叢刊

# 清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三七一

含谿詩草二十卷 王秉韜撰

一

賴古齋文集八卷 湯修業撰

一二九

白華前稿六十卷 吳省欽撰

二二三

自敘

余幼未習聲韻之學乾隆丁卯年十八倖與鄉薦  
閱三年始學詩亦僅叶平仄效詠物體及排律八  
韻而已嗣屢躋禮部試已卯歲部銓陝西三原令  
先曾以制義從錫山秦味經先生遊行有日矣招  
小飯且言別座閒論及遼東三老李鏡君陳石閭  
二子詩因問何以詩格高曠若是先生曰是皆從  
四始六義中得其消息者詩不力探本源勦說雷  
同恐况而益下耳余謹志之不敢忘筮仕後公務  
之餘卽取風雅頌詠規仿之轎箱馬背每攜三  
含谿詩草

敘

百篇以隨無閒寒暑者凡十年乙酉歲於河南光  
州任以鑄級去有官理事廳吳門陸二柳先生余  
至爰也先生天資聰敏問學淵深五年前一見卽  
稱莫逆交至是攜酒肴餞余於汴梁城廿里外將  
別首勗以漢循良亟講求農桑水利旣諄屬由四  
字詩更習漢魏六朝法便可卓然於世余又謹志  
之不敢忘自此誦讀追摹者又及十年而詩句初  
無奇異乃知古今人不相及真無如之何也年將  
知非遂專力於修己安人之術而詩不多作乃庚  
戌以後出守上下江於山見黃山金焦之峻且大

於水見長江大河之浩且深於草木見松柏竹樹  
之翳翳而蕭森欣於所遇輒見詩驗顧近體截句  
多於古風蓋信手拈成不再至驗詩太瘦生矣彭  
甘亭蔣履齋兩世講必欲輯舊藁災棗梨却之不  
可得遂述敘簡端以志師爰指授切磋之所自云  
嘉慶元年孟秋朔含谿王秉韜識

含谿詩草

敘

二

含谿詩草卷之一

中州行草

三韓王秉韜含谿甫

山境二章

賦蚤景也

山腹忽開溪水清微沙明岸靜維鵲飛飛  
兩兩三三村居如繪雲襲衣間日出山外

高岡三章

雨後郊行思親也

巖巖高岡微雨其涼白雲浩浩遊子思長  
歷歷高岡王事靡遑白雲藹藹吾親之鄉  
遙遙高岡天各一方白雲眇眇瞻望旁皇

夜如何其二章

賦行役蚤發也

含谿詩草

卷之一

夜如何其月出東方幽光天半兮我爰啟行  
夜如何其月至中央萬井寂寂兮我獨過行

古道四章

刺宵小也

行彼古道古道孔長哲人往兮誰爲否臧  
行彼古道古道其涼霜風肅肅杲日皇皇  
有兔依依瞬脫如飛汝逞汝狡逝將焉歸  
有鳥啾啾木落實收汝肆汝喙豈爲饑愁

養三章

志于役之勞也

日之中矣養未充矣離離鳴鴈其飛翀矣  
日之斜矣路云賒矣蕭蕭馬鳴我僕嗟矣

夜之息矣未再食矣歷歷星垣思何極矣

中林二章

喜鳥之無奇得自由也

瞻彼中林上有翼鳥尾兮如鵲羽灰以噉于時交  
交于時矯矯雲天杳眇

文鳥有屏語鳥有豆翠幙朱欄而失其舊雨衣不  
華爾音不透逍遙飛伏

時維十月五章

述行役往反所見也

時維十月自州徂征新息有歲民物盈盈爰蒞爰  
止爰咨爰跋省問我民懷思曷已

晨將曙矣行行且去蔡地有碣志問津處廬舍田

含谿詩草

卷之一

原依然可據至聖茫茫莫能一語

馬首北征言宿項城更第日力之古陳國城郭翼  
翼市廛填塞株林澤陂其風如何

伏羲有臺一晝天開太昊有陵廟貌因仍臺下層  
波漁舟如梭陵上莪莪著莢繁多

扶太二邑名

扶風太康

之野連朝走馬通許旣經至大梁  
之下兩河編氓寧分多寡鼓腹曝背誰爲之者

自題高山流水小照二首

卓彼高山白雲閒閒沔彼流水魚勿泳止挹山之  
秀挹水之美片石徙倚怡然自喜

維指上音非琴中趣山色水聲天懷如晤

村園桃開豔甚

麥隴青蔥接碧空天桃灼灼詫天工任教買盡燕  
支色難寫新晴幾樹紅

客館案頭有岳武穆傳讀之有感

鉅功將立會難逢計沮奸權氣滿胸讀到金牌趨  
詔命教人不敢怨高宗

耘苗

非種鋤來禾黍新炎天荷鋤一巡巡男兒更恐耘  
難遍力作田間有婦人

含谿詩草 卷之一

插秧

秧鉞細細盡萌芽齊插畦田望眼遮努力行間思  
掉臂綠雲萬頃受風斜

宿姚家畝

白雲飛去復飛還歲久人忘家在山到此乍看心  
目爽草堂竹屋白鷗閒

餅餠行

凌寒茂發千山鞠秋日澄清秋氣肅歷歷獨開天  
地間微風細雨花芬馥自從閩地傳洋種長養層  
樓相簇擁逸品飭嫌富麗工無如觀者爭矜寵我

移盆乍翫之熟折插纍纍白板屋日色輝煌月影  
明徐熙乍染生綃幅高枝崔立松楸上低幹峰巒  
互揖讓澹蕩高人羽士來豔容點額妝新樣多者  
低側少殊絕大者崢嶸小較潔玉占銅壺間磨餅  
斜飛並蒂三才別皆供花式也天都憶昔乘幽興花放  
西山尋野逕京市養花有秘方百餘品類數難罄  
采采階前置座右時集詩人酌大斗隱逸富豪事  
兩歧芳馨隨處皆堪久我今護惜日珍賞霜雪不  
加離塵壤幾度長歌興未窮起看雲煙色蒼莽

詠桂 有序

含谿詩草 卷之一

弋陽官署東園中古桂三株偃仰離奇花

時香聞里許殆數百年物也前刺史倚桂

建方亭顏曰古香

人寢疑傍碧虛宮桂蕊紛綸小苑東鐵榦葉沈留  
月影虬枝香滿動秋風蓮塘放後誰儔匹蘭畹芳  
時有契同到此俗氣應滌盡方亭恰在樹當中

詠繡球花

細蕊紛攢古樹頭如拳盈握煥高秋支機石向紅  
顏如貽佩常欣玉女畱甲乙玲瓏傳寶帳漢武故  
晴珠玉明月夜光錯雜天下星河歷落憶天球化  
珍寶為甲帳其大為乙帳

工發洩原無意剪綵何須作豫籌

香櫞

帶露飄香見志圓龍泉盤貯色新鮮澹黃顆疑  
虛室深綠垂垂憶遠天秋思可煩斫月桂幽芳不  
復采江荃緣何自昔無佳句竟讓橘橙冠一年

佛手

佛手幾時得指引黃柑形似有佳名玲瓏座繞拈  
花意韻馥人希灑露聲芥子藏身實亦幻蓮根託  
體色還清救焚拯溺儒家事可似西方度衆生

木瓜

含谿詩草

卷之一

五

南來春暮豔桃花

花開於莫春  
似桃而豔

碩實輕黃香色誇

白下豈懷衰術果青門常貯邵平瓜友朋投我親  
蘭室杯酒浮來待月華惠泉釀木瓜  
酒極盛於時草木幻形真  
逸品想應得種自僊楂

剛櫞

櫞擅中州物土宜勞紅舉翠共珍奇滿園火樹然  
輝後空谷寒珠迸落時橘柚南鮮聯碩果蘋婆上  
苑薄酸梨含苞如許誰能似百鍊鋼成溜雨姿

蛩發

隆冬于役路湯湯蛩起行嗟大地寬四野鷄聲催

日曙一天月色逼星殘迢迢關塞嚴親遠馳驟征  
途弱弟寒計日春回疑淑氣庭闈聚首笑顏看

嘉平望前一日同人小集適得瑞雪喜而賦

之

鎮日濃陰作雪天鷺毛飛片布平田黃橙綠酒言  
成屑玉宇瑤樓客欲仙松竹清虛疑月落海山奇  
幻帶雲懸六花不爲多嗟興歎慶來春兆有年

水僊二首

百花寂歷占花先漏洩春光態眇然萬物有生皆  
本土一塵不染自成僊胚胎就裏經炎冷色臭盈

含谿詩草

卷之一

六

時湛日天淑景漸推吹拂遠溯洄何幸在當前  
綠波激盪濯晴光僊子珊珊玉佩鏘檢點古書尋  
味久耽吟佳句唱酬長洛神數本人間影湘水一  
簾夢裏妝凡骨自慚無處換對君歌詠亦相羊

羅荆軒貽指作人物十二幅用意精深不獨

繪聲繪色已也喜之各綴一絕

萬縷晴霞燦一輪紅日縣探奇到絕頂眼底起雲  
煙

折取梅枝好騎驢帶笑趨錦囊添句不雪霽滿寒

暉

日落莫雲杳山高樹色幽荷鋤有伴侶豈盡農家流

詩書澤草野禮義齊編氓日永課兒讀階前柳自橫

河水流天地消閒一老漁得鮮易美酒細酌月明初

寂寞入山深丁丁空谷音相逢圖坐對風日豁胸襟

雨過淨莓苔牧牛春草隈南坡草正綠閒渡小溪來

含谿詩草

卷之十一

七

今古畱三教相看只一心忘言應得意真意有誰尋

船掉煙波反一時風雨俱息息寫不盡笑傲憶平湖

人世無閒日雲山有醉僊清風翠竹裏渾噩不知年

海水波濤立利名多所趨瑤臺何處是載酒獻麻姑

乘時盡地利五穀歲豐登畫借兒童戲天真喜氣增

二月之南城

山行乘日曉煙氣帶雲濃河水流浮筏岡岑起臥龍高松青欲墮嫩柳絲如封何處深山寺聞敲蚤晚鐘

羅山道中

行役當春仲晴光觸目多東風酥以緩綠水瀟微波沙際甕鳬靜天邊一鳥過恩恩千里去數問路如何

碾麥

麥收山積復川盈亭午天開值遠行野唱鞭牛聲

含谿詩草

卷之十一

四起家家碾麥趁新晴

陂場

晚來掀揭極人工玉粒翻飛上下風自此夏苗始有獲辛勤血汗蓋藏中

蠅

纖蟲污穢點晴明爲趁炎蒸恣意行離合送聲還細細高低鼓翅日營營腥羶到處相追逐几研何來任繞紫玉塵閒揮揮去遠不須拔劍使人驚

蚊

一鉤新月送微風蚊蚋紛乘勢滿空晝伏夜行飛

不見貪心利口欲無窮高樓聞蓬消雷響小院看  
花待露融一自清秋澄海宇爲憐飄渺莫煙中

含谿詩草

卷之一

九

含谿詩草卷之二

滇南行草

三韓王秉韜含谿甫

舟中有序

戊子四月杪奉命赴滇侍慈輿以行凡  
四十日抵常德時維炎夏子夜長征馬上  
間得一二詩句不暇錄及旋亦忘之自常  
德買舟南下終日兀坐偶有所詠輒錄以  
遣興

常德滇河氣象雄啞啞坐聽路西東閒嗟好趁風  
帆便鎮日青山綠樹中

含谿詩草

卷之二

水飛石立送嘈啞平地忽來瀑布鳴舟子齊呼聲  
莫辨櫓篙聲起雜灘聲

誰人布置古谿間欲把真山作假山一片石城高  
百尺白雲出沒復迴還

山自青青水自流泊舟一望碧天秋探奇不惜攀  
躋遠直到千峰最上頭

竹水車

製如車輪夾竹爲之徑可二三丈中  
寬尺許以木爲軸邊幅厚五寸緣細  
竹作小竹脾間三五脾斜繫一竹筒水激  
竹脾則輪自起竹筒入水則水自貯運至  
頂上則水自傾下更於高處置半竹  
承以溉田人力不勞實無遠不屆也

竹輪巧製象天圓推激何須力灌田自下貯流流

瀉下老農衷手看如川

循環有象空轆轤轉運無拘息桔槔最是月明人  
靜夜簫篴天籟奏聲高

秋日過清溪城

驀見清溪城最幽半憑水面半山頭嶺環百雉餘  
荒草髣髴居庸古堞秋

貴定次壁間韻

雲銜嶺起新圖畫水蝕石成古篆文呼吸直思通  
帝座不知何處著塵氛

夜征

含谿詩草 卷之二

午夜孤征月色幽盤紆直上碧雲秋峰巒迴互含  
情顧澗水東西任意流一片紅霞橫海上萬重綠  
樹簾山頭夢回馬背敲詩句且借馳驅作壯遊

鎮遠道中二首

捨舟登鳥道四顧何穹窿翠雀沿山竹瀟竹葉花  
似翠雀時  
盛金鐘度草蟲蟲名金鐘  
頗有餘音雲低迷洞口日近眇秋

風緩到千峰上重看萬嶺同

怪底長河水波濤作大觀山泉常落雨山泉自厓  
石點點落  
下不絕溪澗互流灘聲振殷雷吼風翻白石寒源

頭窺有本千里著迴瀾

含谿詩草

晨行過黃平

百盤路再上雙鶴擬聯翩澗底煙籠樹山頭氣接  
天花鮮依萼草石老濺飛泉瞻望雲深處中疑有  
僊侔

山雨

一入煙嵐裏陰晴莫可猜嶺雲無意起山雨不時  
來帶日忽餅注乘風已電開欣欣花木色茂密荷  
栽培

苗人與黔民一體服役恐後喜賦

苗類濡王化子來衆不殊青衣裸足脰銀項飾頭

含谿詩草 卷之二

顧負重聲追逐升高意有無巒歌日晚起拍竹笑  
相呼

山居

果是山居好橫斜半向陽小橋垂片石新屋競高  
墻自雨至點民屋  
多築三面高墻隴畔泉通水耕餘竹作倉土  
露積編竹爲倉上覆  
以茅遠望如小亭稻梁行處茂終歲任相羊

初秋

登陟迴無了宜人秋色屏丹花殷似火藍鞠碎如  
星幽秀千山遠風姿一水停采之欲盈把空谷賞  
芳馨

安順道中

突兀執初展迢遙天一涯路隨山脚轉橋跨石頭  
斜雨後挾冬續晴來思午紗風光他處異煙樹隱  
人家

白水河

紅日殷雷振青溪銀漢垂立流傾斷峽飛雨起煙  
絲色駭人爭觀聲洪語不知廬山詠瀑布奇景約  
如斯

卽景

巖岡遶日烈弱草受風斜澗石滑相盪山雲暗自  
含谿詩草卷之二

四

遮路崇餘塊磊洞古洞龍蛇晴雨歎何易寒暄亦  
太差

老鷹厓

老鷹飛不過客子去重厓廿里穿雲頂終朝涉嶺  
寰野花還簇簇山樹亦排排愁向土人問前途平  
遠佳

宿松歸

鳥雀棲煙樹牛羊下夕原危峰疑阻路曲逕又通  
村雨意連山暗蟲思徹夜喧數程已不遠十度月  
黃昏

庚戌橋

爲西林鄂相國創  
造題名並勒碑記

一水山環塔中過庚戌橋微軀初誕歲余生於先  
庚戌歲先  
相命名朝利濟歌羣庶勲猷列九霄征南溯往蹟  
今日靖蠻苗

抵平糞

确犖境已更坦蕩一程程水繞規模遠山高意氣  
平蠻煙晴日掃渥澤暝風生欣入滇南境葵心有  
寸誠

過關嶺見武侯征南會盟石碣

征南圖漢業上策在攻心畧定凡期月神威竟七  
舍谿詩草卷之二

五

禽南人不復反主帥一無侵立馬看荒碣高山仰  
止深

裏永上人

我夢禪房靜師裏滇道長舟車九十日遊覽百千  
鄉炎暑飲甘露涼秋挹桂漿思之不可見異地獨  
旁皇

昆明西郊

赤土紛原野青蘿雜蘚苔閒雲迷洞口茂樹嵌山  
隈日莫征人少天空牧馬來行驗聊自適誰與覆  
新醅

途次憶軍門

秋日獨長驅，萼香草色俱。兒童偕負耒，老婦自當  
爐。輪輓千山蹟，驪黃萬里途。軍門遙想見，刁斗震  
蠻愚。

思親

從戎復遠征，杖策過巖城。萼自初看好，山因慣見  
平。炊煙斜日起，暮靄片雲橫。天際有遊子，雙親數  
問程。

晨過祿豐

匹馬萬山蹤，晨興跋涉重。孤城紅日曉，巨嶺白雲  
空。

舍谿詩草卷之二

六

封狐兔，依秋草。虬龍偃古松，蒼茫誰晤語。天地自  
雍容。

山樹

山樹肖山形，離披今古青。輪囷低臥月，盤踞側浮  
汀。雨濕薜蘿翠，風吹苔蘚腥。雖非梁棟器，質性得  
完寧。

述衷

孤矢初生日，所期在四方。將軍嗔髀肉，文士笑沙  
場。知遇垂恩重，精誠圖報遑。不爲趨避計，行色滿  
秋陽。

抵楚雄

遙望楚雄境，秋田處處盈。野人無菜色，僧寺有書  
聲。塙影村疎密，山陰樹暗明。曉嶠修葺盡，荒服漸  
平成。

蚤行口占

秋旅入圖畫，低煙迷曉程。馬衝雲際去，人自鏡中  
行。空濶關山迥，陰寒襟裏輕。幸承旭日照，翠壁煥  
新晴。

憶高厚仁

迴憶十年事，恩恩若曉暝。日中隆福寺，厚仁居近寺西每廟

舍谿詩草卷之二

七

芳草聯陰夜，燭星別來今。萬里秋思爲誰醒。

客途有感

壯遊南極濶，豪氣半生存。行盡煙巒變，踏殘雲水  
痕。西風吹野店，夕照掩柴門。何日邊功奏，仰酬  
君父恩。

晚眺

行行將竟日，山路尚西東。綠樹秋光紫，烏雲夕照  
紅。村明隔岸火，寺微晚天楓。寂寞消長夜，敲詩字  
欲工。

山俗

相沿俗已舊乍見景殊新女子濃敷粉兒郎重點唇  
唇 唇如朱 荷肩看健足 持輸運單需 裏首識  
苗人上插七首於腰間鹽價貴於米十餘錢九松  
株賤作薪

清華洞

古洞推神府我來夜讀碑崢嶸環法象蝌蚪秘文  
辭俱見 石雨天垂鑲 記云洞口 溪寒日照 蔡 陰中  
不可以蓬瀛今想見重過擬瞻奇

黃連舖

含谿詩草 卷之二

行上黃連舖更高柏木坡依山折石磴隨嶺越巖  
阿綠樹參天立青株匝地羅漢時傳叫狗志載武  
天骨夫路循老婦叶狗聲而上因以名山 侯到此  
平過

賦得杏林春燕 得春字

小燕荖池羽因依杏苑辰曲江詩對酒題塢物畱  
人日麗繁華豔風吹輕嘸頻翦紅如有待拾翠豈  
無隣一色棲還穩千迴去更親坐看得意處心賞  
及時春元善生成大性情飛植真寧徒霑  
玉液萬類共舒伸

賦得稅于桑田 得田字

命駕將何往郊原導所先收成緣力作那本在民  
天春浦禾舒隴雲開水溢泉大君忘已分清乘辱  
平田問雨課晴至嘉勤儉情前茨階遲信宿炊爨  
識風煙農願歡何極興基孰有然頻看書大有爲  
荅意纏綿

賦得三日爲霖 得霖字

時雨沛然至慈流天帝心飄蕭寧苦澤霖霖見甘  
霖網祝開三面車隨決萬忱連宵滴瀉遠積日逮  
津深玉髓膏凝壤金莖露浥林色酣粲氣重芳潤

含谿詩草 卷之二

九

草光侵亦廣陂塘利難將祈禱尋  
九重民念切感召自森森

賦得花飛樵路香 得飛字

樵採成谿徑春華滿四圍和光吹澹蕩佳氣起芳  
菲嶽嶺穿林迴榮英帶雨肥丁丁鶯鳥適馥馥唱  
歌微雲鬪三芝去風檐百卉趨懸柯紫燒夢分爨  
集山衣不謂蠶叢路偏饒蘭谷輝

上林枝更暝神往與花飛

賦得春暉在客先 得暉字

披拂客遊適無端春自暉落粵流別澗密雨濕征

衣祓禩孟餘韻林園葉盡圍感時情脈脈顧影念  
依依萬里空消息千巘負翠微鄉思恁日淚別恨  
此心違有脚忽如往何期迅以飛清和及首夏猶  
可趁芳菲

賦得雲山千萬疊 得山字

長驅凭遠眺處處起雲山跌宕浮嵐裏紛綸過鳥  
間春融風障嶺夜寂月開關海上波濤立天邊煙  
霧環祖孫森峙列賓主遞迴還出岫峰飛變凌霄  
體逸閒堯封應率舊禹力未加刪滌決生成趣奇  
觀在宇寰

含谿詩草 卷之二

賦得蘭澤多芳草 得芳字

盈盈澤畔草色臭盡殊常類聚趨幽賞叢生放野  
香蒼黃迷樹影皎潔著秋光有水風偏逸無人氣  
自芳瑞華推九畹奇卉繞三湘與蒞情同契聯薰  
誼共長孤高巘穴伴飄渺釣魚航

盛世彈冠會寧煩招隱章

賦得山水含清暉 得清字

四顧雲煙裏光涵際太清探遊入佳境遠想值新  
晴浩浩何空濶青青自送迎渾淪山靄合浮動水  
波平朝爽三天氣夕涼萬樹情塵氛全滌盡秀色

日叢生幾處春當洩因風景獨明藏珠與韞玉應  
得及時呈

賦得征夫裏遠路 得征字

迢遞天涯迴風煙勃欲行眼前飛鳥過天際遠雲  
橫馬與裝俱厲心先餞已征關山迷客夢梓里繫  
人情路憶幽燕樹遙經江漢城百盤九坂峻千里  
一帆輕未適同人野頻占大有程繁星依北斗到  
日及秋晴

賦得識曲聽其真 得真字

歌入清商調知音慨歎頻抑揚無限意往復有心

含谿詩草 卷之二

人聾疾清聽起聲闌逸韻申座中能顧誤胸次獨

窺真目送手揮處高山流水因沈思時脈脈擊節  
自欣欣冀北羣空野荆南璞見珍咸深何以報鳴  
盛頌

丹宸

賦得流觴曲水 得和字

臨流成盛會春釀逐新波自酌徒岑寂飛觴共詠  
哦藉茵連坐次點筆傍庭柯曲折緣山轉流連送  
酒多人忘酬酢苦情愜主賓頗清景欲爲伴朱顏  
豈惜醅如泉歎不息設醴數無訛

太液恩膏遠堯天盡飲蘇

賦得書院植新松

得中字

偶作十年計栽松傍泮宮氣含千尺執色籠數巡  
中海嶠盈紅日皋比布暝風棟梁覘幹濟根抵笑  
飛蓬翠滴書聲繞香生詩句融發揚勤灌漑長養  
重童蒙不有蟠龍始焉期舞鶴雄人材羣翠處拭  
目望成功

含谿詩草

卷之二

三

含谿詩草卷之三

滇南行草

三韓王秉韜含谿甫

東川元旦 萬壽宮行禮

萬壽宮前肅紫微龍旂僊仗氣芳菲光分霄漢雞  
聲曙暝入陽春燈火輝九叩班聯欣歲始千官對  
越想朝威蠻煙消盡峰巒美曉日曠曠滿甸叢

會澤署中書室落成

宦遊來萬里地僻築齋宜曲折通窗秘迥環入徑  
遲半椽堪晤對一卷起遐思小院多餘地春回得  
早知

含谿詩草

卷之三

野燒

烈風縱火任西東野嶺春田晚燒中執焰豈惟炙  
手熱飛騰真自照天紅可憐曲袞豈無穴惟羨伊  
吾鴈戾空迴首片雲飄雨點萬山依舊色濛濛

莫春赴昆明軍站

三月哉生魄征途千里賒山深多古木溪泛有幽  
花東作農方力仁風日欲斜軍書期會速策馬趁  
晴霞

發榮

發榮到處趁東風生氣油油萬里通一望青山綠

樹裏紛紛開遍映山紅

夜抵待補

青嵐浮紫靄千里欲平時路曲緣山轉峰高見月  
遲隸民來照火驄馬起羣嘶暫憇偏足睡裏清何  
所思

矮松歌

天地殊寥濶矮松咫尺間珊瑚曲鐵榦泰岱一拳  
山問松何太小胡不千尺裏問松何太卑胡不翦  
霄爲松曰唯否否我愛立身久風露與周旋日月  
在左右不知五大夫秦松今在無

含谿詩草 卷之三

遊尋甸堂子屯僧舍因水濁未浴

菜萼開通百粦生一路春山布穀聲興到偶來僧  
剎坐未曾被襖也翼清

和遊執庵志別韻代東

才識當年名士家我先君去各天涯計時裏手鑒  
行路何日班荆話遠車憶別夢回殘月上論交情  
注曉風斜最慚承乏無仁術父老猶來滿道遮  
艾葉樞輦向日飜晴光到處拂征轅崇山峰矗白  
雲窟流水石通黑裸村半載可能培蒔屋任會澤  
凡六閱  
月兩州何自益蓬門魚書佇盼時常至座右箴銘

紫玉痕

自會澤赴霑益羅平任

山蹊七日程帶雨更長征夜聽愁辰滑朝餐喜午  
晴羣飛山蜨亂特立水禽清策馬不遑息兼符重  
二城

秋日郊行

秋風秋日水泠泠引起秋光入畫屏霜飽柿紅垂  
樹綠雨滋松翠照山青碾揚到處看茆舍園圃誰  
家露野亭天宇蕭疎眼底濶一時清興附鴻冥

泛舟

含谿詩草 卷之三

泛舟清淺水遙挹碧虛琅飛鷺白於雪浴鳬文類  
鴛雨餘煙黯澹河畔草翩翩耳目殊新異高歌真  
意存

偶聞絲竹音

客館寂然坐隣舍調絲絃絲絃非古樂况復雜塵  
喧性情渾噩地易感惟聲音抑揚激清響涼風來  
遠岑動我桑梓念啟我裏抱深鬱鬱何爲者奮起  
惜光陰

上板橋 在昆明東四十里

遠躡層巒上峰尖露尺咫嶺岫亘蜿蜒長驅四十

里迴首視白雲白雲壑底起飛鳥翔天末黃犢犁  
煙水置身既已高悚然九霄裏萬里北風來居人  
顏色委可愛惟冬日朗曜煦寒沍

行役

子役輒旬月征車久未還五更起振策日夕馬蹢躅  
四野蒼茫黑明星爛碧山薄言聊憩止羽檄羅  
我前假寐未淹久鷄聲鳴樹巔同雲蔽霞靄飄飄  
落雨天阡陌空人迹磊落自孤鶩僚佐半如此寧  
云我獨賢

途次二首

舍谿詩草 卷之三

四

跬步皆高山山重而嶺覆有鳥自南來凌風起巘  
谷安得乘翼願言同信宿  
高山多古陰森森接遠樹有鳥向北飛翹首雲間  
去我思御六翮忽忽無所據

偶興

青青陵上柏鬱鬱澗底松均之託體厚所處不同  
蹤高者易叅天下者浮青煙悠悠永時序志不在  
爭先一旦松千丈蔥翠踰絕巔

青谿洞

平彝城外青谿洞逼臨大道日迎送小岸平橋水

有聲炫異矜奇山靈貢去秋過此未得入慈輿隨  
侍行路急今日因公拭目看天根月窟寒雲濕幾  
時洞口豁然開樹木蒼翳頂滿苔蓋覆尺餘不得  
下中容數十百人來虧蔽哈呀間斜整偏仄窈窕  
迷去境大力磅礴笑五丁飜疑穿鑿巨靈逞其中  
縣杵倒蓮垂如虎如龍如象師迴環纓絡大士像  
明王護凜立幽巖忽聞環佩聲吞吐洞外晴天洞  
內雨廉纖點點落石間斑斕古色供攜取老僧爲  
說去來因開闢涓滴直到今大雨滂沱反寂寂萬  
千年始作嶙峋又云洞邃亘五里非火不可行腹  
裏我步屐番未竟觀但見淅瀝秋風起祥雲紫靄  
碧虛宮寧置塵埃截臬中幾欲搔首向天問晴空  
一氣色濛濛抑或江都偶覩此選勝莊嚴何底止  
至美不同人世翫瀨瀚蒼茫護煙水

擬行行重行行

殷殷重握手飄搖萬里之別來如昨日景光已駛  
馳登高向北望蒼茫煙霧垂榮英常歷歷朱實自  
離離思君不可見沈吟十二時沈吟日以深歲月  
日以侵所幸神契合天涯識我心

擬青青河畔草

舍谿詩草 卷之三

五